

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ
 ՀԱՍՏԱՏՎԱԾ Է
 Հիմնադրամի հոգաբարձուների
 խորհրդի 09-09-2022 թ. որոշմամբ
 «ԽԱՐԻՄԽ» ՀԱՄԱՀԱՅԿԱԿԱՆ, ՄՇԱԿՈՒԹԱՅԻՆ ԲԱՐԵԳՈՐԾԱԿԱՆ ՀԻՄՆԱԴՐԱՄ»
 Հ Ա Շ Վ Ե Տ Վ ՈՒ Թ Յ ՈՒ Ն
 հիմնադրամի 2020 թ. գործունեության մասին**

1. Հիմնադրամի՝		
1.1 Լրիվ անվանումը	«ԽԱՐԻՄԽ» ՀԱՄԱՀԱՅԿԱԿԱՆ, ՄՇԱԿՈՒԹԱՅԻՆ ԲԱՐԵԳՈՐԾԱԿԱՆ ՀԻՄՆԱԴՐԱՄ	
1.2 Գտնվելու վայրը	ԵՐԵՎԱՆ ՆՈՐ ՆՈՐՔ ՆՈՐ ՆՈՐՔ ԹԱՂԱՄԱՍ ՄՈՒԴՆՈՎԱԿԱՆ Փ. 29/4 ԲՆ. 11/1	
1.3 Պետական գրանցման համարը	222.160.1006494	
1.4 Պետական գրանցման տարին, ամիսը, ամսաթիվը	2018-02-20	
1.5 ՀՎՀՀ-ն	02673243	
1.6 Հեռախոսը (այդ թվում՝ բջջային)	+(374)94007365	
1.7 Պաշտոնական ինտերնետային կայքը		
1.8 Էլեկտրոնային փոստը	sonalazaryan73@gmail.com	
2. Հիմնադրի անուն, ազգանուն կամ անվանում՝		
3. Հոգաբարձուների խորհրդի անդամների անուն, ազգանուն՝		
4. Կառավարչի անուն, ազգանուն՝		
Հակոբ Խաչատրյան		
Սոնա Լազարյան		
5. Աշխատակազմում ընդգրկված անձանց քանակը		
6. Անձեռնմխելի կապիտալի չափը	0	
7. Անձեռնմխելի կապիտալի կառավարումից ստացված եկամուտ	0	
8. Ֆինանսավորման աղբյուրները՝		
8.1 Ֆինանսավորումն ըստ խմբերի	8.2 Ստացված ֆինանսական միջոցների նպատակը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
8.1.3 Ֆիզիկական անձանցից դրամական մուտքեր		
9. Հիմնադրի ներդրումը՝		

9.1 Դրամական միջոցներ	0	
9.2 Գույք	9.2.1 Տեսակը	9.2.2 Արժեքը
10. Նվիրատվություններ/ նվիրաբերությունները		
10.1 Նվիրատուները/նվիրաբերողներն ըստ խմբերի՝	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
10.1.3 Ֆիզիկական անձինք		
11. Իրականացված ծրագրերը՝		
11.1 Ծրագրի անվանումը	11.2 Ծախսված գումարը	
12. Ֆինանսական տարում օգտագործված միջոցների ընդհանուր չափը	896,343	
13. Կանոնադրական նպատակների իրականացմանն ուղղված ծախսերի չափը	0	

Նշումներ՝

Ֆինանսական հաշվետվություններն ու ֆինանսական հաշվետվությունների վերաբերյալ աուդիտն իրականացնող անձի (աուդիտորի) եզրակացությունը՝ 21 էջերից:
 էջերի քանակը


Հիմնադրամի տնօրեն _____
 ստորագրությունը, անունը, ազգանունը

Գլխավոր հաշվապահ _____
 ստորագրությունը, անունը, ազգանունը

Ֆինանսական հաշվետվություններ
Անկախ աուդիտորական եզրակացություն
2021թ դեկտեմբերի 31-ի դրությամբ

«Խարիսի»

Համահայկական, մշակութային բարեգործական հիմնադրամ



«ԽԱՐԻՍԽ»

Համահայկական, մշակութային բարեգործական հիմնադրամ

Հայաստանի Հանրապետություն

ԲՈՎԱՆԴԱԿՈՒԹՅՈՒՆ

Բաժին	Էջ
Անկախ աուդիտորական եզրակացություն	3
Ֆինանսական վիճակի մասին հաշվետվություն	6
Համապարփակ ֆինանսական արդյունքի մասին հաշվետվություն	7
Զուտ ակտիվների փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

ԱՆԿԱԽ ԱՈՒԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

«ԽԱՐԻՄԻ»

Համահայկական, Մշակութային
Բարեգործական հիմնադրամի
հոգաբարձուների խորհրդին

Կարծիք

Մենք աուդիտի ենք ենթարկել «ԽԱՐԻՄԻ» համահայկական, մշակութային բարեգործական հիմնադրամի (այսուհետ՝ «Հիմնադրամ») ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2020թ., այդ ամսաթվին ավարտված տարվա համապարփակ ֆինանսական արդյունքի, գուտ ակտիվների փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, մեր եզրակացության «Բացասական կարծիքի հիմք» բաժնում նշված տեղեկատվության բացթողման պատճառով, կից ֆինանսական հաշվետվությունները ճշմարիտ չեն ներկայացնում Հիմնադրամի ֆինանսական վիճակը 2020 թվականի դեկտեմբերի 31-ի դրությամբ, ինչպես նաև այդ ամսաթվին ավարտված տարվա ֆինանսական արդյունքն ու դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների ՖՀՄՄ-ներ:

Բացասական կարծիքի հիմք

Հիմնադրամը 2020 թվականի դեկտեմբերի 31-ի դրությամբ ունեցել է 77,000 հազ. դրամի ստացված փոխառության և 4,551 հազ. դրամի փոխառության գծով հաշվեգրված սուկոսների գծով ժամկետանց պարտավորություններ, որոնց գծով ղեկավարության կողմից քայլեր չեն ձեռնարկվել դրանց մարման ժամկետները երկարաձգելու գծով: Տվյալ փոխառության գծով որպես պարտավորությունների կատարման ի ապահովում գրավադրված է Հիմնադրամին սեփականության իրավունքով պատկանող 76,560 հազ. դրամ արժեքով հողամասը, որը հանդիսանում է Հիմնադրամի՝ կանոնադրական նպատակներով սահմանված գործունեության ապահովման միակ միջոցը: Գրավի պայմանագրով սահմանվել է, որ Հիմնադրամի կողմից պարտավորությունների չկատարման կամ ոչ պատշաճ կատարման դեպքում Փոխատուի պահանջները կբավարարվեն առանց դատարանի դիմելու՝ ՀՀ Քաղաքացիական օրենսգրքի 249-րդ հոդվածի համաձայն: Ընդ որում՝ 2021թ.-ին Հիմնադրամին ներկայացվել է բռնագանձման ծանուցում: 2022թ.-ին կայացվել է դատարանի որոշում և բռնագանձվել է հողամասը, որի արդյունքում Հիմնադրամին առաջադրվել է նաև 183,165 հազ. դրամի հարկային պարտավորություններ:

Հիմնադրամի ղեկավարության կողմից միջոցներ չեն ձեռնարկվել Հիմնադրամի բնականոն գործունեությունն ապահովելու և հարկային պարտավորությունների մարման համար միջոցներ հայթայթելու համար: Այս իրավիճակը ցույց է տալիս, որ առկա է էական անորոշություն, որը կարող է նշանակալի կասկած հարուցել Հիմնադրամի անընդհատ գործելու կարողության վերաբերյալ:

Ղեկավարության կողմից այս հարցը ճշգրիտ գնահատված չէ և Ֆինանսական հաշվետվություններում բավարար կերպով բացահայտված չէ:

Աուդիտն անցկացրել ենք Աուդիտի միջազգային ստանդարտներին (ԱՄՄ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների Էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի էթիկայի կանոնադրքի (ՀԷՄՄԽ կանոնագիրք) և պահպանել ենք էթիկայի այլ պահանջները՝ համաձայն ՀՄԷՄԽ կանոնների: Համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր բացասական կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՄ-ների համաձայն համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Հիմնադրամը լուծարելու կամ Հիմնադրամի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են Հիմնադրամի ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- որոշակիացնում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել

հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում.

- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար.
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը.
- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որոնք կարող են նշանակալի կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Հիմնադրամին դադարեցնել անընդհատության հիմունքի կիրառումը.
- գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

Հաստատված է

«Ջի ընդ Քո Աուդիտ Գրուպ» ՍՊԸ

Տնօրեն/աուդիտոր

Լ. Պողոսյան

«09» սեպտեմբերի 2022թ.

Երևան



Ֆինանսական վիճակի մասին հաշվետվություն

«ԽԱՐԻՍԽ» համահայկական, մշակութային բարեգործական հիմնադրամ
առ 31-ը դեկտեմբերի 2020թ դրությամբ

ԱԿՏԻՎՆԵՐ	ԾՆԹ.	31/12/2020	31/12/2019
		հազ. դրամ	հազ. դրամ
Ոչ ընթացիկ ակտիվներ			
Հիմնական միջոցներ	6	76,560	76,560
Ընդամենը ոչ ընթացիկ ակտիվներ		76,560	76,560
Ընթացիկ ակտիվներ			
Առևտրային և այլ դեբիտորական պարտքեր		-	20
Այլ հարկերի և պարտադիր վճարների գծով գերավճարներ		8	2
Դրամական միջոցներ և դրանց համարժեքներ	7	344	240
Ընդամենը ընթացիկ ակտիվներ		352	262
Ընդամենը ակտիվներ		76,912	76,822
ԶՈՒՏ ԱԿՏԻՎՆԵՐ ԵՎ ՊԱՐՏԱՎՈՐՈՒԹՅՈՒՆՆԵՐ			
Զուտ ակտիվներ			
Զածկված վնաս		(5,709)	(2,864)
Ընդամենը սեփական կապիտալ		(5,709)	(2,864)
Ոչ ընթացիկ պարտավորություններ			
Ընդամենը ոչ ընթացիկ պարտավորություններ		-	-
Ընթացիկ պարտավորություններ			
Վարկեր և փոխառություններ	8	82,551	79,657
Առևտրային և այլ կրեդիտորական պարտքեր		60	
Այլ հարկերի և պարտադիր վճարների գծով պարտավորություն		10	29
Ընդամենը ընթացիկ պարտավորություններ		82,621	79,686
Ընդամենը սեփական կապիտալ և պարտավորություններ		76,912	76,822

10-ից 21-րդ էջերում ներկայացված ծանոթագրությունները կազմում են սույն Ֆինանսական հաշվետվությունների անբաժանելի մասը:

Տնօրեն
Սոնա Լազարյան




Ջուտ ակտիվների փոփոխությունների մասին հաշվետվություն
«ԽԱՐԻՍԽ» համահայկական, մշակութային բարեգործական հիմնադրամ
2020թ.-ի դեկտեմբերի 31-ին ավարտված տարվա համար

	Կուտակված հավելված (Չծածկված վնաս)	հազ. դրամ Ընդամենը
Մնացորդը առ 31 դեկտեմբեր 2018թ.	-	-
Տարվա վնաս	(2,864)	(2,864)
Մնացորդը առ 31 դեկտեմբեր 2019թ.	(2,864)	(2,864)
Տարվա վնաս	(2,845)	(2,845)
Մնացորդը առ 31 դեկտեմբեր 2020թ.	(5,709)	(5,709)

10-ից 21-րդ էջերում ներկայացված ծանոթագրությունները կազմում են սույն Ֆինանսական հաշվետվությունների անբաժանելի մասը:

Տնօրեն
Սոնա Լազարյան



Ղրամական միջոցների հոսքերի մասին հաշվետվություն
 «ԽԱՐԻՍԽ» համահայկական, մշակութային բարեգործական հիմնադրամ
 2020թ.-ի դեկտեմբերի 31-ին ավարտված տարվա համար

	01.01.2020- 31.12.2020	01.01.2019- 31.12.2019
	հազ. դրամ	հազ. դրամ
Ղրամական միջոցների հոսքեր գործառնական գործունեությունից		
Վճարումներ մատակարարներին	(555)	(143)
Վճարումներ աշխատակիցներին	(206)	(341)
Վճարումներ բյուջե և սոց հիմնադրամ	(135)	(131)
Գործառնական գործունեությունից ստացված / գործունեության համար օգտագործված զուտ ղրամական միջոցներ	(896)	(615)
<i>Ղրամական միջոցների հոսքեր ներդրումային գործունեությունից</i>		
Ներդրումային գործունեությունից ստացված / գործունեության համար օգտագործված զուտ ղրամական միջոցներ	-	-
<i>Ղրամական միջոցների հոսքեր ֆինանսական գործունեությունից</i>		
Ստացված փոխառություն	1,000	440
Ֆինանսական գործունեությունից ստացված / գործունեության համար օգտագործված զուտ ղրամական միջոցներ	1,000	440
Ղրամական միջոցների և ղրանց համարժեքների զուտ աճ/նվազում	104	(175)
Արտաժույթի փոխարժեքային տարբերություններ	-	-
<i>Ղրամական միջոցները և ղրանց համարժեքները ժամանակաշրջանի սկզբի դրությամբ</i>	240	415
<i>Ղրամական միջոցները և ղրանց համարժեքները ժամանակաշրջանի վերջի դրությամբ</i>	344	240

10-ից 21-րդ էջերում ներկայացված ծանոթագրությունները կազմում են սույն ֆինանսական հաշվետվությունների անբաժանելի մասը:

Տնօրեն
 Սոնա Լազարյան




Ֆինանսական հաշվետվություններին կից ծանոթագրություններ

«ԽԱՐԻՍԽ» համահայկական, մշակութային բարեգործական հիմնադրամ

1. Ընդհանուր տեղեկություններ

«Խարիսխ» համահայկական, մշակութային բարեգործական հիմնադրամը (այսուհետև՝ Հիմնադրամ) իրավաբանական անձ հանդիսացող ոչ առևտրային կազմակերպություն է:

Հիմնադրամը գրանցվել է Հայաստանի Հանրապետության իրավաբանական անձանց պետական ռեգիստրի կողմից 2018թ. փետրվարի 20-ին, պետական գրանցման համարն է 222.160.1006494, ՀՎՀՀ-ն՝ 02673243:

Հիմնադրամի գտնվելու վայրն է ՀՀ, 0010 քաղաք Երևան, Հանրապետության 30 շենք:

Հիմնադրամի կանոնադրական նպատակներն են՝ նպաստել Հայաստանի Հանրապետությունում սպորտի և մշակույթի զարգացմանը, սպորտի և մշակույթի բնագավառում բացահայտել և աջակցել տաղանդավոր անհատներին, ուսանողներին, երիտասարդներին:

Հիմնադրամի շահառուներն են ՀՀ քաղաքացիները:

Հիմնադրամը կարող է գրադվել ձեռնարկատիրական ցանկացած տեսակի գործունեությամբ միայն այն դեպքում, երբ դա կծառայի այն նպատակների իրականացմանը, որոնց համար ստեղծվել է Հիմնադրամը և համապատասխանում է այդ նպատակներին:

Հիմնադրամի միակ հիմնադիրն է Միքայել Վաղինակի Մանուկյանը:

Հիմնադրամի բարձրագույն և հսկողություն իրականացնող մարմինը հոգաբարձուների խորհուրդն է, որը բաղկացած է հետևյալ անդամներից.

Պետրոս Սուրենի Սեմերջյան խորհրդի նախագահ

Արմեն Արտուշի Խաչատրյան խորհրդի անդամ

Սամվել Գրիգորի Երանյան խորհրդի անդամ

2. Համապատասխանությունը

Հաշվապահական հաշվառումը վարվել է Հայաստանի Հանրապետության օրենսդրության պահանջներին համապատասխան: Ֆինանսական հաշվետվությունները կազմվել են համաձայն Ֆինանսական հաշվետվությունների Միջազգային Ստանդարտների:

3. Ֆունկցիոնալ և ներկայացման արժույթը

ՀՀ արժույթը ՀՀ դրամն է, որը Հիմնադրամի ֆունկցիոնալ և ներկայացման արժույթն է: Ֆինանսական տեղեկատվությունը ցույց է տրված հազար դրամներով՝ առանց ստորակետից հետո տասնորդական նիշի:

4. Անընդհատությունը

Ներկայացվող ֆինանսական հաշվետվությունները կազմվել են ելնելով անընդհատության հիմունքից, որը ենթադրում է ակտիվների իրացում և պարտավորությունների մարում բնականոն գործունեության ընթացքում:

Ներկայացվող ֆինանսական հաշվետվությունները կազմվել են ելնելով անընդհատության հիմունքից, որը ենթադրում է ակտիվների իրացում և պարտավորությունների մարում բնականոն գործունեության ընթացքում:

ՀՀ կառավարությունը 2018 թվականի մարտի 29-ի N 340-Ա որոշումով հավանություն է տվել Հիմնադրամի կողմից կողմից ներկայացված՝ Երևանի Մոնթե Մելքոնյան փողոցին հարակից 1,1 հեկտար մակերեսով հողամասում իրականացվելիք ներդրումային ծրագրին և համաձայնություն է տվել Երևան

քաղաքի Մոնթե Մելքոնյան փողոցին հարակից 1,1 հեկտար մակերեսով, 76,560 հազար ՀՀ դրամ կադաստրային արժեք ունեցող հողամասը (այսուհետ՝ հողամաս) ուղղակի վաճառքի միջոցով օտարել հիմնադրամին:

Վերոնշյալ որոշմամբ սահմանվել են պայմաններ և առաջարկություններ, որոնք տեղ են գտել 2019թ նոյեմբերի 5-ին Հիմնադրամի և Երևանի քաղաքապետարանի միջև կնքված հողամասի առուվաճառքի մասին պայմանագրում (այսուհետ՝ Պայմանագիր): Պայմանագրով Հիմնադրամը Երևանի քաղաքապետարանից գնել է ք.Երևան, Մելքոնյան փողոցի հ. 22/2 հասցեում գտնվող 1.1 հա մակերեսով հողամասը 76,560 հազար ՀՀ դրամով:

Համաձայն Պայմանագրի՝ հիմնադրամը պարտավոր է.

- Հողամասը օգտագործել բացառապես երիտասարդական, ազգային, մշակութային կենտրոն կառուցելու նպատակով և իր նպատակային ու գործառնական նշանակությանը համապատասխան,
- Ներդրումային ծրագրի շրջանակներում կատարել ընդհանուր՝ շուրջ 22 մլն ԱՄՆ դոլարին համարժեք ՀՀ դրամի ներդրում,
- Ներդրումային ծրագիրն իրականացնել քաղաքաշինական փաստաթղթերը ներկայացնելուց հետո 36 ամիս ժամկետում:

Հողամասի ձեռք բերման դիմաց վճարումը կատարել է «Մեմրի» ՍՊԸ-ն (այսուհետ՝ Փոխատու), իսկ վճարված գումարը Փոխատուի և Հիմնադրամի միջև 2019թ օգոստոսի 27-ին կնքված փոխառության պայմանագրով (այսուհետ՝ Փոխառության պայմանագիր) և դրան կից համաձայնագրով համարվել է որպես Հիմնադրամին հանձնված փոխառության գումար՝ տարեկան 10 տոկոս տոկոսադրույքով և տրամադրվել է մինչև 2019թ նոյեմբերի 30-ը վերադարձնելու պայմանով: Վերոնշյալ փոխառության պայմանագրի շրջանակներում Հիմնադրամին են տրամադրվել նաև ևս 440 հազար դրամ փոխառության գումար՝ դրամական միջոցների տեսքով:

2019թ նոյեմբերի 19-ին հիմնադրամի և Փոխատուի միջև կնքվել է անշարժ գույքի գրավի պայմանագիր (Այսուհետ՝ Գրավի պայմանագիր), որով ի ապահովումն կողմերի միջև կնքված Փոխառության պայմանագրով Հիմնադրամի ստանձնած պարտավորությունների կատարման գրավադրվել է Հիմնադրամի կողմից 2019թ նոյեմբերի 5-ին ձեռք բերված ք. Երևան, Մելքոնյան փողոցի հ. 22/2 հասցեում գտնվող հողամասն ամբողջությամբ (այսուհետ՝ Գրավի առարկա)

Գրավի պայմանագրով սահմանվել է, որ Հիմնադրամի կողմից պարտավորությունների չկատարման կամ ոչ պատշաճ կատարման դեպքում Փոխատուի պահանջները կբավարարվեն առանց դատարան դիմելու՝ ՀՀ Քաղաքացիական օրենսգրքի 249-րդ հոդվածի համաձայն:

2019թ դեկտեմբերի 31-ի դրությամբ Հիմնադրամը չի մարել ստացված փոխառության գումարը և դրա դիմաց հաշվեգրված տոկոսները՝ ընդհանուր 79,657 հազար դրամ գումարով, ինչի հետևանքով փոխատուի կողմի 2021թ հունվարի 9-ին ներկայացվել է հողամասի բռնագանձման պահանջ:

Հիմնադրամի ղեկավարության գնահատմամբ Հիմնադրամը կներգրավի դրամական միջոցներ շնորհատուների միջոցով՝ իր պարտավորությունները մարելու և ծրագրերն իրականացնելու նպատակով:

5. Հաշվապահական հաշվառման քաղաքականության նշանակալի մասերի համառոտ նկարագիրը

5.1. Չափման հիմքը

Ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով կամ ամորտիզացվող արժեքով:

5.2. Հիմնական միջոցներ

Հիմնական միջոցի յուրաքանչյուր (հիմնական) բաղկացուցիչ (առանձնացնելի միավոր) ճանաչում է առանձին ակտիվ այն դեպքում, երբ՝ հավանական է, որ այդ միավորի հետ կապված ապագա տնտեսական օգուտները կհոսեն դեպի Խումբ, և միավորի սկզբնական արժեքը կարող է արժանահավատորեն չափվել:

Հիմնական միջոցի միավորի հիմնական բաղադրիչները հիմնական միջոցի միավորի կազմում հաշվառվում են առանձին:

Չափումը ճանաչման պահին

Հիմնադրամը հիմնական միջոցի միավորը սկզբնական ճանաչման պահին չափում է սկզբնական արժեքով, որը ճանաչման ամսաթվի դրությամբ կանխիկ գնի համարժեքն է: Եթե վճարումը վճարման սովորական պայմաններով նախատեսված ժամկետներից հետաձգվում է, սկզբնական արժեքը ապագա բոլոր վճարումների ներկա արժեքն է:

Սկզբնական արժեքի տարրերն են, մասնավորապես՝ գնման գինը, ներկրման տուրքերը, չփոխ-հատուցվող հարկերը և պարտադիր այլ վճարները, ակտիվը համապատասխան վայր հասցնելու և դեկավարության նախանշած նպատակներով օգտագործման համար աշխատանքային վիճակի բերելու հետ ուղղակիորեն կապված ցանկացած ծախսում: Գործարկման և նման նախաարտադրական ծախսումները հիմնական միջոցների սկզբնական արժեքում չեն ներառվում: Սկզբնական արժեքը որոշելիս առևտրային զեղչերը և արտոնությունները հանվում են:

Չափումը ճանաչումից հետո

Հիմնական միջոցի միավորը որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով) հանած կուտակված մաշվածությունը և արժեզրկումից կուտակված կորուստները:

Մաշվածություն

Հիմնական միջոցների բոլոր դասերի նկատմամբ կիրառվում է մաշվածության հաշվարկման գծային մեթոդը:

Հիմնական միջոցների օգտակար ծառայությունը որոշելիս հաշվի են առնվում հետևյալ գործոնները.

- ա) Հիմնադրամի կողմից ակտիվի ենթադրվող օգտագործելիությունը,
- բ) ակնկալվող ֆիզիկական մաշվածությունը,
- գ) տեխնիկական հնացածությունը,
- դ) հիմնական միջոցի օգտագործման իրավական կամ նման այլ սահմանափակումներ:

Ակտիվի մաշվածությունը սկսում է հաշվարկվել, երբ այն մատչելի է օգտագործման համար, այսինքն երբ այն գտնվում է այնպիսի վայրում և վիճակում, որն անհրաժեշտ է դեկավարության նախանշած նպատակով այն օգտագործելու համար: Ակտիվի մաշվածության հաշվարկումը դադարում է ակտիվն ապաճանաչելու ամսաթվերից ամենավաղով:

Հիմնական միջոցի մաշվածության գումարը իր օգտակար ծառայության ընթացքում պարբերաբար բաշխելու համար կիրառվում է մաշվածության հաշվարկման գծային մեթոդը:

Հետագա ծախսումները

Հիմնական միջոցի միավորին վերաբերող հետագա ծախսումներն ավելացվում են դրա հաշվեկշռային արժեքին (կապիտալացվում են), եթե այդ ծախսումները բավարարում են ճանաչման չափանիշները: Մասնավորապես, հիմնական միջոցի միավորի վրա նոր մասի ավելացման, կամ հիմնական միջոցի միավորի մի մասի պարբերաբար փոխարինման ծախսումները ավելացվում է հիմնական միջոցի միավորի հաշվեկշռային արժեքին (կապիտալացվում է): Ամենօրյա սպասարկման ծախսումները չեն ավելացվում հիմնական միջոցի հաշվեկշռային արժեքին (չեն կապիտալացվում):

Ապաճանաչում

Հիմնական միջոցի միավորի հաշվեկշռային արժեքը ապաճանաչվում է, երբ՝

- ա) այն օտարվում է, կամ
- բ) ապագա ոչ մի տնտեսական օգուտ չի ակնկալվում դրա օգտագործումից կամ օտարումից:

5.3. Ակտիվների արժեզրկում

Հիմնադրամը յուրաքանչյուր հաշվետու ժամանակաշրջանի վերջի դրությամբ գնահատում է առկա է արդյոք որևէ հայտանիշ, ըստ որի ակտիվը կարող է արժեզրկված լինել: Եթե առկա է որևէ այդպիսի հայտանիշ, ապա Հիմնադրամը գնահատում է ակտիվի փոխհատուցվող գումարը:

Եթե առկա է որևէ հայտանիշ, ըստ որի՝ ակտիվը կարող է արժեզրկված լինել, ապա փոխհատուցվող գումարը գնահատվում է առանձին ակտիվի համար: Եթե հնարավոր չէ գնահատել առանձին ակտիվի փոխհատուցվող գումարը, Հիմնադրամը որոշում է այն դրամաստեղծ միավորի փոխհատուցվող գումարը, որին պատկանում է տվյալ ակտիվը (ակտիվի դրամաստեղծ միավոր):

Արժեզրկումից կորուստ

Ակտիվի հաշվեկշռային արժեքը նվազեցվում է մինչև դրա փոխհատուցվող գումարը այն և միայն այն դեպքում, եթե ակտիվի փոխհատուցվող գումարն ավելի փոքր է, քան դրա հաշվեկշռային արժեքը: Այդ նվազումն իրենից ներկայացնում է արժեզրկումից կորուստ:

Արժեզրկումից կորուստը ճանաչվում է շահույթում կամ վնասում, բացառությամբ այն դեպքերի, երբ ակտիվը հաշվառվում է վերագնահատված գումարով: Վերագնահատված ակտիվի արժեզրկումից ցանկացած կորուստ դիտվում է որպես վերագնահատումից արժեքի նվազում:

Արժեզրկումից կորստի հակադարձում

Արժեզրկումից կորստի հակադարձմանը վերագրելի ակտիվի ավելացած հաշվեկշռային արժեքը չպետք է գերազանցի այն հաշվեկշռային արժեքը, որը որոշված կլիներ (առանց համապատասխան ամորտիզացիայի կամ մաշվածության), եթե նախորդ տարիներին այդ ակտիվի գծով արժեզրկումից կորուստ ճանաչված չլիներ:

5.4. Պաշարներ

Պաշարներն այն ակտիվներն են, որոնք պահվում են սովորական գործունեության ընթացքում վաճառքի համար, կամ հումքի, կամ նյութի ձևով՝ արտադրանքի թողարկման ընթացքում օգտագործելու համար:

Պաշարները հաշվառվում են ինքնարժեքից և իրացման գուտ արժեքից նվազագույնով: Իրացման գուտ արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է՝ օգտագործելով առաջին մուտք՝ առաջին ելք մեթոդը, և ներառում է պաշարների ձեռքբերման, ինչպես նաև դրանք իրենց ներկայիս վիճակին և գտնվելու վայր հասցնելու ծախսերը:

5.5. Ֆինանսական ակտիվներ

Ֆինանսական ակտիվների սկզբնական ճանաչում

«Իրական արժեքով՝ շահույթի կամ վնասի միջոցով չափվող» ֆինանսական ակտիվները սկզբնապես գրանցվում են իրական արժեքով: Այլ բոլոր ֆինանսական ակտիվները սկզբնապես գրանցվում են իրական արժեքով՝ հաշվի առած գործարքի հետ կապված ծախսումները:

Ֆինանսական ակտիվների դասակարգում և հետագա չափում. Չափման կատեգորիաներ
Հիմնադրամը դասակարգում է ֆինանսական ակտիվները՝ օգտագործելով հետևյալ չափման կատեգորիաները. չափվում են իրական արժեքով՝ շահույթի կամ վնասի միջոցով, չափվում են իրական արժեքով այլ համապարփակ եկամուտի միջոցով և չափվում են ամորտիզացված արժեքով: Պարտքային ֆինանսական ակտիվների դասակարգումն ու հետագա չափումը կախված է ակտիվների պորտֆելի կառավարման համար Հիմնադրամի բիզնես մոդելից, և ակտիվի դրամական հոսքերի բնութագրերից:

Ֆինանսական ակտիվների դուրսգրում

Ֆինանսական ակտիվները ամբողջությամբ կամ մասնակիորեն դուրս են գրվում, երբ Հիմնադրամը սպառել է դրանց հավաքագրելու բոլոր գործնական հնարավորությունները և եզրահանգել

է, որ այդպիսի ակտիվների փոխհատուցման հետ կապված ակնկալիքները անհիմն են: Դուրսգրումը իրենից ներկայացնում է ապաճանաչում: Հիմնադրամը կարող է դուրս գրել ֆինանսական ակտիվները, չնայած այդ գումարների վերականգնման (ստացման) համար կիրառվում են հարկադրման միջոցներ, բայց ողջամիտ ակնկալիքներ չկան:

Ֆինանսական ակտիվների ապաճանաչում

Հիմնադրամը ապաճանաչում է ֆինանսական ակտիվը, երբ.

(ա) ակտիվը մարվել է կամ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցրել են իրենց ուժը կամ

(բ) Հիմնադրամը փոխանցել է ֆինանսական ակտիվից դրամական հոսքերի նկատմամբ իրավունքները կամ կնքել է ակտիվների փոխանցման պայմանագիր, միաժամանակ

(գ) փոխանցելով ակտիվի սեփականության հետ կապված բոլոր էական ռիսկերն ու պարզատրումները կամ

(դ) չփոխանցելով և նաև չպահպանելով ակտիվի սեփականության հետ կապված բոլոր էական ռիսկերն ու հատույցները, սակայն չպահպանելով նաև ակտիվի նկատմամբ վերահսկողությունը:

Առևտրական դեբիտորական պարտքեր

Դեբիտորական պարտքերը չափվում են սկզբնական արժեքով (սկզբնական հաշվում նշված գումարով), բացառությամբ այն դեպքերի, երբ զեղչման ազդեցությունը զգալի է: Այս դեպքում դեբիտորական պարտքը չափվում է զեղչված արժեքով:

Տրված փոխառություններ

Սկզբնական ճանաչման պահին անտոկոս և ցածր տոկոսադրույքով տրված երկարաժամկետ փոխառության զեղչումից (իրական արժեքով չափումից) առաջացած գուտ արդյունքը (վնասը) ճանաչվում է

- սեփական կապիտալում, եթե ֆինանսական ակտիվը մասնակիցների ու նրանց կողմից վերահսկվող կազմակերպությունների գծով է, և
- շահույթում կամ վնասում, եթե ֆինանսական ակտիվը այլ կողմերի գծով է:

Դրամական միջոցներ և դրանց համարժեքներ

Դրամական միջոցները դրամարկղում և բանկային հաշիվներում առկա դրամական միջոցներն են: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Որպեսզի ներդրումները որակվեն որպես դրամական միջոցների համարժեքներ, դրանք պետք է լինեն ազատ փոխարկելի՝ նախապես հայտնի դրամական գումարներով, և դրանց արժեքի փոփոխման ռիսկը պետք է լինի ոչ նշանակալի:

5.6. Ֆինանսական պարտավորություններ

Ճանաչում

Հիմնադրամը ֆինանսական պարտավորությունը ճանաչում է, երբ նա դառնում է գործիքի պայմանագրային կողմ:

Ապաճանաչում

Հիմնադրամը ֆինանսական պարտավորությունը (կամ ֆինանսական պարտավորության նի մասը) ապաճանաչում է, երբ այն մարվում է, այսինքն՝ երբ պայմանագրում նշված պարտականությունը կատարվում է կամ չեղյալ է համարվում կամ ուժը կորցնում է: Ապաճանաչված ֆինանսական պարտավորության հաշվեկշռային արժեքի և վճարված կամ վճարվելիք հատուցման միջև տարբերությունը ճանաչվում է շահույթում կամ վնասում:

Ֆինանսական պարտավորությունների չափման խմբեր

Ֆինանսական պարտավորությունները դասակարգվում են որպես հետագայում ամորտիզացված արժեքով չափվող, բացառությամբ՝ իրական արժեքով շահույթի կամ վնասի միջոցով չափվող ֆինանսական պարտավորությունների, և ֆինանսական երաշխիքային պայմանագրերի և վարկերի *Ֆինանսական հաշվետվություններ 2020թ. դեկտեմբերի 31-ի դրությամբ*

տրամադրման պարտավորությունների:

Առևտրական կրեդիտորական պարտքեր

Սկզբնական ճանաչման պահին կրեդիտորական պարտքը չափվում է սկզբնական արժեքով (սկզբնական հաշվում նշված գումարով), բացառությամբ այն դեպքերի, երբ զեղչման ազդեցությունը գգալի է: Այս դեպքում կրեդիտորական պարտքը չափվում է զեղչված արժեքով:

Ստացված վարկեր և փոխառություններ

Ստացված վարկը և փոխառությունը սկզբնապես չափվում է իր իրական արժեքով՝ գումարած գործարքի հետ կապված այն ծախսումները, որոնք ուղղակիորեն վերագրելի են ֆինանսական պարտավորության ձեռքբերմանը:

Սկզբնական ճանաչման պահին անտոկոս և ցածր տոկոսադրույքով ստացված ժամկետային փոխառության զեղչումից (իրական արժեքով չափումից) առաջացած գուտ արդյունքը (օգուտը) ճանաչվում է

- որպես սեփական կապիտալի այլ տարր, եթե ֆինանսական պարտավորությունը մասնակիցների ու նրանց կողմից վերահսկվող կազմակերպությունների գծով է, և
- շահույթում կամ վնասում, եթե ֆինանսական պարտավորությունը այլ կողմերի գծով է: Սկզբնական չափումից հետո ստացված վարկերը և փոխառությունները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը:

5.7. Աշխատակիցների կարճաժամկետ հատուցումներ

Երբ աշխատակիցը հաշվետու ժամանակաշրջանի ընթացքում Հիմնադրամին մատուցել է ծառայություն, Հիմնադրամը աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է

ա) որպես պարտավորություն արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Հիմնադրամը ճանաչում է այդ տարբերությունը որպես ակտիվ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և

բ) որպես ծախս, բացառությամբ այն դեպքերի, երբ ՖՀՄՄ-ներով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ (օրինակ, պաշարների, հիմնական միջոցների դեպքում):

Հիմնադրամը փոխհատուցելի բացակայությունն էրի ձևով աշխատակիցների հատուցումների ակնկալվող ծախսումները ճանաչում է

ա) կուտակվող փոխհատուցելի բացակայությունների դեպքում (օրինակ տարեկան արձակուրդը) այն ժամանակ, երբ աշխատակիցները ծառայություն են մատուցում, որն ավելացնում է իրենց իրա-վունքները ապագա փոխհատուցելի բացակայությունների նկատմամբ, և

բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը) այն ժամանակ, երբ բացակայությունը տեղի է ունենում:

Հիմնադրամը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Հիմնադրամը ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

5.8. Վարձակալություն

Վարձակալությունը դասակարգվում է որպես ֆինանսական վարձակալություն, երբ վարձակալության պայմաններով սեփականության հետ կապված ըստ էության բոլոր ռիսկերն ու օգուտներն փոխանցվում են վարձակալին: Մյուս բոլոր վարձակալությունները դասակարգվում են որպես գործառնական վարձակալություն:

Գործառնական վարձակալությունից եկամուտը գծային հիմունքով ճանաչվում է

համապատասխան վարձակալության ժամկետում:

Գործառնական վարձակալության վճարումները գծային հիմունքով ճանաչվում են որպես ծախս վարձակալության ժամկետում:

5.9. Պահուստներ, պայմանական պարտավորություններ և պայմանական ակտիվներ

Ճանաչում

Պահուստը ճանաչվում է, երբ՝

ա) Կազմակերպությունն ունի ներկա պարտականություն (իրավական կամ կառուցողական) որպես անցյալ դեպքերի արդյունք.

բ) հավանական է, որ այդ պարտականությունը մարելու համար կպահանջվի տնտեսական օգուտներ մարմնավորող միջոցների արտահոսք, և

գ) պարտականության գումարը հնարավոր է արժանահավատորեն գնահատել:

Պայմանական պարտավորությունը և պայմանական ակտիվը չեն ճանաչվում:

Չափում

Որպես պահուստ ճանաչված գումարը իրենից ներկայացնում է հաշվետու ժամանակաշրջանի վերջի դրությամբ ներկա պարտականությունը մարելու համար պահանջվող ծախսումների լավագույն գնահատականը:

Եթե ժամանակի մեջ դրամի արժեքի ազդեցությունը էական է, ապա պահուստի գումարը իրենից ներկայացնում է այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար:

Զեղչման դրույքը (կամ դրույքները) այն դրույքն է (կամ դրույքները), որն արտացոլում է ժամանակի մեջ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները: Զեղչման դրույքը չպետք է արտացոլի այն ռիսկերը, որոնց գծով դրամական միջոցների ապագա հոսքերի գնահատումներն արդեն ճշգրտվել են:

Պահուստը օգտագործվում է միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

5.10. Շնորհներ

Եկամուտները և ծախսերը հաշվառվել են հաշվեգրման հիմունքով, այսինքն՝ նրանք համարվել են եկամուտ կամ ծախս դրանց տեղի ունենալու պահին անկախ դրանց հետ կապված դրամական միջոցների վճարման կամ ստացման ժամկետից:

Հիմնադրամն ընտրել պետական շնորհների հաշվառման եկամտային մոտեցումը, այսինքն՝ շնորհները և նվիրատվությունները (նվիրաբերությունները) որպես եկամուտ են ճանաչվել այն ժամանակաշրջաններում, որոնց ընթացքում դրանք փոխհատուցել են համապատասխան ծախսումները:

Ակտիվներին վերաբերող շնորհը նվազեցվում է ակտիվի հաշվեկշռային արժեքը հաշվարկելիս: Շնորհը արտացոլվում է շահույթում կամ վնասում մաշվող (ամորտիզացվող) ակտիվի օգտակար ծառայության ընթացքում՝ նվազեցված մաշվածության ծախսի ձևով:

Շնորհների գծով եկամուտները Համապարփակ ֆինանսական արդյունքի մասին հաշվետվությունում ներկայացվում են որպես շահույթի կամ վնասի մաս «Այլ եկամուտներ» հոդվածի ներքո

5.11. Սխալներ

Հիմնադրամը ուղղում է նախորդող ժամանակաշրջանի էական սխալները հետընթաց (բացառությամբ երբ անիրագործելի է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը) դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալը, կամ

բ) եթե սխալը տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների և պարտավորությունների սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

5.12. Հաշվապահական հաշվառման գնահատումներում փոփոխություններ

Հաշվապահական հաշվառման գնահատումներում փոփոխության հետևանքը, բացառությամբ ստորև շարադրվածի, ճանաչվում է առաջընթաց՝ արտացոլվելով շահույթի կամ վնասի մեջ՝

ա) փոփոխման ժամանակաշրջանում, եթե փոփոխությունն ազդում է միայն տվյալ ժամանակաշրջանի վրա, կամ

բ) փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է:

Այնքանով, որքանով հաշվապահական հաշվառման գնահատման փոփոխությունն առաջացնում է ակտիվների և պարտավորությունների փոփոխություն կամ առնչվում է սեփական կապիտալի որևէ հոդվածի հետ, այն ճանաչվում է համապատասխան ակտիվի, պարտավորության կամ սեփական կապիտալի հոդվածի հաշվեկշռային արժեքի ճշգրտման միջոցով՝ փոփոխության ժամանակաշրջանում:

Այն դեպքերում, երբ դժվար է տարբերակել հաշվապահական հաշվառման քաղաքականության փոփոխությունը հաշվապահական հաշվառման գնահատման փոփոխությունից, այն դիտվում է որպես հաշվառման գնահատման փոփոխություն՝ համապատասխան բացահայտմամբ:

5.13. Հաշվապահական հաշվառման քաղաքականությունում փոփոխություններ

Հիմնադրամը փոփոխում է հաշվապահական հաշվառման քաղաքականությունը միայն այն դեպքում, եթե այդ փոփոխությունը հանգեցնում է ֆինանսական հաշվետվություններում Հիմնադրամի ֆինանսական վիճակի, ֆինանսական արդյունքի և դրամական հոսքերի վրա գործառնությունների, այլ դեպքերի և իրադարձությունների ազդեցության վերաբերյալ առավել արժանահավատ և տեղին (ոեղևանտ) տեղեկատվության ներկայացմանը:

Եթե Հիմնադրամը հաշվապահական հաշվառման նոր քաղաքականությունը կիրառում է հետընթաց, ապա հաշվապահական հաշվառման նոր քաղաքականությունը կիրառում է նախորդող ժամանակաշրջանների համադրելի տեղեկատվության նկատմամբ: Երբ Հիմնադրամի համար անիրագործելի է հաշվապահական հաշվառման նոր քաղաքականությունը կիրառել հետընթաց՝ բոլոր նախորդող ժամանակաշրջանների նկատմամբ նոր քաղաքականության կիրառման կուտակային հետևանքը որոշելու անկարողության պատճառով, ապա Հիմնադրամը նոր քաղաքականությունը կիրառում է առաջընթաց՝ հնարավոր ամենավաղ ժամանակաշրջանից սկսած:

6. Հիմնական միջոցներ

	Հոդամաս	Ընդամենը
Սկզբնական արժեք		
Առ 01.01.2020թ.	76,560	76,560
Գնում/ կապիտալացում	-	-
Օտարում/դուրսգրում	-	-
Առ 31.12. 2020թ.	76,560	76,560
Ամորտիզացիա		
Առ 01.01.2020թ.	-	-
Հաշվարկ	-	-
Օտարում	-	-
Առ 31.12.2020թ.	-	-
Հաշվեկշռային արժեք		
Առ 31.12.2019թ.	76,560	76,560
Առ 31.12.2020թ.	76,560	76,560

Նշված հոդամասը որպես գրավի առարկա համաձայն 19.09.2019թ.-ի «Խարիսխ» ՀՄԲՀ-ի և «Մեմրի» ՍՊԸ-ի միջև կնքված անշարժ գույքի գրավի պայմանագրի ի ապահովումն փոխառության պայմանագրով սահմանված պարտավորությունների կատարման:

7. Դրամական միջոցներ և դրանց համարժեքներ

	31.12.2020	31.12.2019
Դրամական միջոցներ դրամարկղում	297	53
Դրամական միջոցներ բանկային հաշվում ՀՀ դրամ	47	188
Ընդամենը	344	240

2020թ.-ի դեկտեմբերի 31-ի դրությամբ հաշվարկային հաշվի վրա առկա է 6.24 հազ. դրամի արգելանք:

8. Փոխառություններ

	31.12.2020	31.12.2019
Մինչև 12 ամիս մարման ժամկետ ունեցող փոխառություն	78,000	77,000
Փոխառության գծով հաշվեկշռված տոկոսագումար	4,551	2,657
Ընդամենը	82,551	79,657

31-ը դեկտեմբերի 2020թ.-ի դրությամբ 77,000 հազ. դրամի փոխառությունը ստացված է «Մեմրի» ՍՊԸ-ից մինչև 2019թ.-ի նոյեմբերի 30-ը վերադարձնելու պայմանով, սակայն դեռևս չի մարվել: Ի ապահովումն փոխառության պայմանագրով սահմանված պարտավորությունների կատարման գրավադրված է Ծանոթագրություն 6-ում նշված հոդամասը:

9. Այլ եկամուտներ

	2020	2019
Եկամուտ ճանաչված շնորհներ	-	355
Ընդամենը	-	355

10. Վարչական ծախսեր

	2020	2019
Աշխատավարձի գծով ծախսեր	275	468
Հաշվապահական և խորհրդատվական ծախսեր	600	0
Բանկային ծախսեր	36	62
Այլ ծախսեր	38	28
Ընդամենը	949	558

11. Ֆինանսական ծախսեր

	2020	2019
Փոխառության գծով տոկոսագումարներ	1,894	2,657
Ընդամենը	1,894	2,657

12. Կապակցված կողմեր

12.1. Վերահսկողություն

Հիմնադրամի կառավարման բարձրագույն և հսկողություն իրականացնող մարմինը Հիմնադրամի հոգաբարձուների խորհուրդն է:

12.2. Գործարքներ կապակցված կողմերի հետ

Հաշվետու ժամանակաշրջանի ընթացքում Հիմնադրամը կապակցված և այլ կողմերի հետ առևտրային գործարքներ չի իրականացրել:

12.3. Գործարքներ ղեկավարության հետ

Հիմնական ղեկավար անձնակազմի հաշվարկված աշխատավարձը և դրան հավասարեցված վճարումները կազմել են.

	2020	2019
Աշխատավարձ ներառյալ հարկերը	275	468
Ընդամենը	275	468

13. Պայմանական դեպքեր

ա) Ապահովագրություն

Հայաստանի Հանրապետությունում ապահովագրական համակարգը գտնվում է զարգացման փուլում, որի հետևանքով ապահովագրության շատ տեսակներ դեռևս չունեն լայն կիրառում: Քանի դեռ Հիմնադրամի գույքը և գործունեությունը համապատասխան ձևով ապահովագրված չեն, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ ազդեցություն ունենալ վերջինիս գործունեության և ֆինանսական վիճակի վրա:

բ) Դատական գործեր

Հիմնադրամի մասնակցությամբ սույն հաշվետվությունների հաստատման ամսաթվի դրությամբ ընթացքի մեջ են հետևյալ դատական գործերը՝

1. Վարչական գործ թիվ ՎԴ/1803/05/22 Հիմնադրամի համար 103,678 հազ. դրամի չափով ավելացված արժեքի հարկի պարտավորության իրավահարաբերության բացակայությունը ճանաչելու և ՀՀ ՊԵԿ-ի չկատարված հարկային պարտավորությունները գանձելու մասին որոշումը անվավեր ճանաչելու պահանջների մասին:

2. Վարչական գործ թիվ ՎԴ/4417/05/22 Հիմնադրամի համար 79,487 հազ. դրամի չափով շահութահարկի պարտավորության իրավահարաբերության բացակայությունը ճանաչելու և ՀՀ ՊԵԿ-ի չկատարված հարկային պարտավորությունները գանձելու մասին որոշումը անվավեր ճանաչելու պահանջների մասին:

գ) Հարկային օրենսդրության հակասություններ և երկիմաստություններ

Հայաստանի Հանրապետությունում նոր ձևավորված հարկային համակարգին բնորոշ է հաճախակի փոփոխվող օրենսդրությունը, որը հաճախ հստակ չէ և մեկնաբանությունների տեղիք է տալիս: Հարկերը ենթակա են ուսումնասիրության համապատասխան իրավասու մարմինների կողմից, որոնց օրենքով վերապահված է իրավունք կիրառելու պատժամիջոցներ (տուգանքներ, տույժեր) տնտեսավարող սուբյեկտների և նրանց պաշտոնատար անձանց նկատմամբ՝ նրանց կողմից օրենսդրությունը խախտելու համար: Այս պայմաններում գոյություն ունի ռիսկ, որ իրավասու մարմինների կողմից իրականացված ստուգումների արդյունքում կարող են առաջանալ լրացուցիչ հարկային պարտավորություններ:

Թեև Հիմնադրամի ղեկավարությունը համոզված է, որ հնարավոր լրացուցիչ հարկային պարտավորությունները չեն կարող էական լինել և դրանց գծով պահուստի ձևավորման անհրաժեշտությունը բացակայում է: Այնուամենայնիվ, համապատասխան իրավասու մարմինների մեկնաբանությունները կարող են տարբեր լինել՝ դրանցից բխող էական ազդեցություններով:

դ) Պայմանական պարտավորություններ

Հիմնադրամը հաշվետու ամսաթվի դրությամբ չունի տրված երաշխավորություններ, երաշխիքներ և այլ պայմանական պարտավորություններ:

ե) Գրավադրված ակտիվներ

Ինչպես ներկայացված է ծանոթագրություն 6-ում 2019թ նոյեմբերի 19-ին հիմնադրամի և Փոխատուի միջև կնքվել է անշարժ գույքի գրավի պայմանագիր, որով ի ապահովումն կողմերի միջև կնքված Փոխառության պայմանագրով Հիմնադրամի ստանձնած պարտավորությունների կատարման գրավադրվել է Հիմնադրամի կողմից 2019թ նոյեմբերի 5-ին ձեռք բերված ք. Երևան, Մելքոնյան փողոցի հ. 22/2 հասցեում գտնվող հողամասն ամբողջությամբ (այսուհետ՝ Գրավի առարկա)

